



BORD OIDEACHAIS AGUS OILIÚNA CHIARRAÍ
KERRY EDUCATION AND TRAINING BOARD

Bord
Oidea

Cód
Iompair
do Bhaill

Is cuid den Chód Iompair chun B00nna a Rialú arna eisiúint ag an Roinn Oideachais agus Scileanna in Imlitir CL0002/2019 an Cód Cleachtais seo

Sliocht bainte as an gCod Cleachtais chun B00nna a Rialú, Agusín 9 (a) Creat le haghaidh Cód Iompair do Bhaill B00

1. RÉAMHRÁ

Tá glactha ag Bord Oideachais agus Oiliúna Chiarraí (BOO Chiarraí) leis an gCód Iompair seo do bhaill Bhord an BOO agus aon Bhoird nó Coistí eile a bhunaítear de réir Alt 44 agus Alt 45 den Acht um Boird Oideachais agus Oiliúna 2013. Sa chód seo cuirtear san áireamh impleachtaí an Achta um Eitic in Oifigí Poiblí 1995 agus an Achta um Chaighdeán in Oifigí Poiblí 2001.

Is cuid den Chód Iompair chun BOOnna a Rialú arna eisiúint ag an Roinn Oideachais agus Scileanna in Imlitir CL0002/2019 an Cód Cleachtais seo.

Is féidir cóip den Chód a fháil ar láithreán gréasáin BOO Chiarraí. Is féidir cóipeanna breise a fháil ón Oifigeach Gnóthaí Corparáideacha, Bord Oideachais agus Oiliúna Chiarraí, Centrepoint, Bóthar John Joe Sheehy, Trá Lí. Fón: 066 - 7121488;

2. AIDHM

Is é aidhm an Chóid treoir a thabhairt do Chathaoirleach agus do bhaill¹ BOO Chiarraí agus a ndualgais á gcomhlíonadh acu.

3. CUSPÓIRÍ

Is iad seo a leanas cuspóirí an Chóid:

- Sraith chomhaontaithe de phrionsabail eiticiúla a leagan amach;
- Na caighdeáin is airde idir eiticiúil, dhlíthiúil agus bhainistíochta a chur chun cinn i ngach gníomhaíocht de chuid BOO Chiarraí;
- Comhlíonadh dea-chleachtais bhainistíochta a chur chun cinn i ngach gníomhaíocht de chuid BOO Chiarraí;
- Muinín agus iontaoibh a chur chun cinn agus a chothú, agus
- Cosc a chur ar fhorbairt nó ar ghlacadh le cleachtais neamheiticiúla.

4. PRIONSABAIL GHINEARÁLTA

Is é polasaí BOO Chiarraí an dea-cháil a choinneáil don iompar eiticiúil agus do chothrom na féinne agus é i mbun a ghnó.

Ní féidir soláthar a dhéanamh do gach cás sa Chód Iompair. Má bhíonn amhras ann faoin ionracas maidir le cás áirithe, ní mór do bhall dul i gcomhairle le Cathaoirleach an Bhoird.

5. AN CÓD A BHEITH AR FÁIL

Déanfaidh BOO Chiarraí na nithe seo a leanas:

- Cuirfidh an Cód Iompair seo agus doiciméad polasaí maidir le nochtadh leasanna ar fáil do na comhaltaí go léir agus cuirfidh chomh tábhachtach is atá sé agus an áit is féidir teacht air in iúl do na baill;
- Cinnteoidh go n-admhaíonn na baill go léir go bhfuil an Cód faighte acu agus go dtuigeann siad na hábhair atá ann;
- Cuirfidh treoir agus stiúradh atá praiticiúil ar fáil de réir mar is gá maidir le réimsí mar bronntanais agus siamsaíocht agus maidir le ceisteanna eiticiúla eile, a thagann chun cinn go rialta.

6. ATHBHREITHNIÚ

Déanfaidh BOO Chiarraí athbhreithniú ar an gCód Iompair seo de réir mar is cuí. Ní mór aon athbhreithnithe atá molta don Chód seo a mheas agus a fhaomhadh ag cruinniú Boird.

¹Tá an téarma ‘baill’ ag tagairt do: baill den Bhord, baill den Bhord Bainistíochta agus baill de Choistí BOO Chiarraí

7. SÁRUITHE AR AN gCÓD

Cuirfear aon sáruithe ar an gCód Iompair in iúl don Chathaoirleach agus don Ard-Reachtaire Cuntas agus Ciste, agus féadfar iad a chur in iúl don Aire Oideachais agus Scileanna leis na cuntais bhliantúla agus an tuarascáil bhliantúil.

8. NA BUNPHRIONSABAIL

Ní mór do bhaill BOO Chiarraí cloí leis na bunphrionsabail seo a leanas, mar atá leagtha amach faoi na ceannteidil seo a leanas:

- a) Ionracas;
- b) Eolas;
- c) Oibleagáidí;
- d) Dílseacht;
- e) Cothrom na Féinne;
- f) Tuiscint don timpeallacht oibre/sheachtrach.

a) Ionracas

Déanfaidh Baill BOO Chiarraí na nithe seo a leanas:

- nochtfaidh fostaíocht/gnó seachtrach nó leasanna eile a mheasfaí go hoibiachtúil a bheith i gcoimhlint nó a d'fhéadfadh a bheith i gcoimhlint le gnó BOO Chiarraí;
- ní ghlacfaidh le fostaíocht bhreise áit a bhféadfadh coimhlint leasa teacht chun cinn i rith tréimhse ama réasúnta tar éis don duine scor de bheith ina bhall den Bhord;
- ní thabharfaidh bronntanais chorparáideacha, fáilteachas, caitheamh níos fearr ná tairbhí ná ní ghlacfaidh siad leo áit a bhféadfadh tionchar nó a mbeadh an chuma go bhféadfadh tionchar a bheith acu ar chumas an duine a thugann iad nó an duine a fhaigheann iad le breithiúnas neamhspleách a dhéanamh ar idirbhearta gnó;
- comhoibreoidh siad go dúthrachtach, go fuinniúil, go heiticiúil agus go hionraic le hinstiúidí oideachais eile, le seirbhísí tráchtála agus le soláthraithe eile seirbhísí taighde agus comhairleacha;
- ní dhéanfaidh costais amháin a éileamh a bhaineann leis na riachtanais ghnó amháin agus de réir an deachleachtais san earnáil phoiblí i gcoitinne;
- cinnteoidh go bhfostaíonn BOO Chiarraí seirbhís comhairleoireachta agus seirbhísí eile de réir threoirlínte an pholasaí phoiblí;
- caithfidh siad a bheith lánsásta go léiríonn na cuntais/tuairiscí go cruinn feidhmíocht an Bhoird agus nach bhfuil siad míthreorach nó ceaptha le bheith míthreorach;
- ní bhainfidh úsáid as acmhainní ná am BOO Chiarraí chun a t(h)airbhe phearsanta féin, ná chun tairbhe na ndaoine/eagraíochtaí nach bhfuil ceangailte leis an BOO ná a chuid ghníomhaíochtaí;
- cinnteoidh go bhfuil an BOO tiomanta d'eolas nó rúin ghnó a fháil ar na bealaí cuí amháin.

b) Eolas

Déanfaidh Baill BOO Chiarraí na nithe seo a leanas:

- Cinnteoidh go bhfuil an Bord tiomanta do rochtain ar eolas ginearálta a bhaineann lena chuid gníomhaíochtaí a chur ar fáil ar bhealach atá oscailte agus a chuireann leis an gcuntasacht atá air i leith an phobail i gcoitinne;
- beidh meas acu ar an rúndacht a bhaineann le heolas íogair atá ag BOO Chiarraí, agus aird á tabhairt do mhír 13 de Sceideal 3 den Acht um Boird Oideachais agus Oiliúna 2013. Is é a bheadh i gceist le heolas íogair ná ábhar ar nós na nithe seo a leanas:
 - Eolas Pearsanta;
 - Eolas a fuair BOO Chiarraí faoi rún;
 - Aon eolas tráchtála íogair nó aon eolas íogair eile a bheadh goilliúnach do chlú BOO Chiarraí;
 - Aon ábhar eile nó eisiúint ina mbeadh gníomh mídhleathach nó neamheiticiúil i gceist.

- cinnteoidh siad go gcloíonn BOO Chiarraí leis na nósanna imeachta comhairliúcháin cuí leis na tríú páirtithe áit, i gcás eisceachtúil, a bhfuil sé beartaithe eolas íogair a eisiúint ar mhaithe leis an bpobal;
- cinnteoidh go gcomhlíonann BOO Chiarraí na forálacha reachtúla ábhartha uile (e.g. Na hAchtanna um Chosaint Sonraí, 1988 agus 2003, agus na hAchtanna um Shaoráil Faisnéise, 1997 go 2013);
- caithfear go hiomlán faoi rún le gach plé agus cinneadh a dhéantar ag cruinnithe os comhair an cheamara den Bhord agus i BOO Chiarraí;
- leanfaidh de bheith ag caitheamh go hiomlán faoi rún le heolas íogair agus leis an bplé agus na cinntí a dhéantar ag cruinnithe den Bhord agus san BOO nuair a thagann deireadh le ballraíocht an Bhoird.

c) Oibleagáidí

Déanfaidh Baill BOO Chiarraí na nithe seo a leanas:

- comhlíonfaidh na hoibleagáidí rialála agus reachtúla go léir atá forchurtha ar an mBOO faoin Acht um Boird Oideachais agus Oiliúna 2013 agus faoi reachtaíocht ábhartha eile;
- cinnteoidh go bhfuil na rialuithe i bhfeidhm chun cosc a chur ar chalaíocht agus a chinntiú go gcomhlíonfar na nósanna imeachta forordaithe maidir leis na leibhéil údaráis fhorordaithe a chomhlíonadh maidir le haon chaiteachas ábhartha a cheadú lena n-áirítear costais do thaisteal gnó;
- iarracht réasúnta a dhéanamh freastal ar na cruinnithe Boird go léir;
- comhoibreoidh le hiniúchadh inmheánach agus leis an bpróiseas iniúchta inmheánaigh
- Cinnteoidh géilliúlacht le nósanna imeachta atá leagtha síos ag an mBord maidir le coimhlíntí leasa. Áirítear air sin go nglactar le poist agus/nó rannpháirtíocht i gcomhlacht Stáit as a bhféadfadh coimhlíntí leasa agus ábhar inní maidir le rúndacht teacht chun cinn. Cinnteoidh an Bord freisin go ndéantar monatóireacht agus forfheidhmiú ar aon nósanna imeachta i dtaca leis seo agus gcuirtear i bhfeidhm iad;
- aithneoidh an dualgas atá orthu cloí leis na caighdeáin eitice is airde.

d) Dílseacht

Aithneoidh comhaltaí BOO Chiarraí an fhreagracht atá orthu a bheith dílis do BOO Chiarraí agus a bheith go hiomlán tiomanta dá ghníomhaíochtaí go léir agus a thuiscint ag an am céanna nach mór do BOO Chiarraí é féin leas na mac léinn agus na maoinitheoirí, na hÍocóirí cánach san áireamh, a chur san áireamh i gcónaí.

e) Cothrom na Féinne

Déanfaidh Baill BOO Chiarraí na nithe seo a leanas:

- cinnteoidh go bhfuil BOO Chiarraí tiomanta don reachtaíocht um chomhionannas fostaíochta agus um stádas comhionann;
- cinnteoidh go bhfuil BOO Chiarraí tiomanta do chothrom na féinne i ngach beartaíocht gnó;
- cinnteoidh go bhfuil meas ag BOO Chiarraí ar a mhic léinn, an fhoireann, na soláthraithe agus custaiméirí, agus go gcaitheann sé go cothrom lena mhic léinn, an fhoireann, na soláthraithe agus custaiméirí.

f) Timpeallacht Oibre/Sheachtrach

Déanfaidh Baill BOO Chiarraí na nithe seo a leanas:

- Cuirfidh siad forbairt an chultúir ‘labhairt amach’ chun cinn inar féidir le hoibrithe a gcuid inní a chur in iúl maidir le héagóracha tromchúiseacha san áit oibre gan eagla a bheith orthu go mbainfí díoltas amach.
- tabharfaidh siad tús áite do shláinte agus sábháilteacht na foirne agus na mac léinn a chur chun cinn agus a chothabháil;
- cinnteoidh siad go ndéantar ábhar inní an phobail a mheas go hiomlán ina chuid gníomhaíochtaí agus oibríochtaí;

- déanfaidh siad aon iarmhairt dhíobhálach a bhíonn ag oibríochtaí BOO Chiarraí ar an timpeallacht a íoslaghdú.

Síniú Bhall den Bhord _____

Dáta: _____